



UNIVERSITÄTS-
BIBLIOTHEK
PADERBORN

De Vita Et Rebus Gestis Christophori Bernardi Episcopi Et Principis Monasteriensis Decas

Alpen, Johann von

Coesfeldiae, 1694

16. Indicit preces. Et multa salubriter ordinat. Impetrat à Cæsare
mandatum contrà Monasterienses.

[urn:nbn:de:hbz:466:1-68495](https://nbn-resolving.org/urn:nbn:de:hbz:466:1-68495)

Ordines Dicecesani, cum primis pauci è Nobilitate, suadere Principi, ut educto partim milite præsidium contrahatur. Nul- lum quippe hostilitatis esse metum, & animos civium faciliùs ita tranquillatum iri. Princeps persuasus partem educit; sed vix priores stationem reliquerant, reliquis fores præcluduntur, neganturque hospitia; ut dum abitum minis etiam ac injuriis maturant, Principi satiùs fuerit totum evocare; præsertim cum reliquiæ præsidiariorum, viribus Urbanis impares, ad ea quoque adigerentur, quæ cum Principis & militiæ despectu conjuncta erant.

Inter hæc *Christophorus Bernardus* præsentibus patriæ malis haud rarò ingemiscit; Nec vanè auguratus majora, quod non ignoraret iram DEI peccatis hominum provocari, justaque ultione immit- ti læpè calamitates, quibus unà fontes, infontesque miserè implicentur, ut iratum Numen placet, futuræque mala à cervicibus commissi gregis avertat, publi- cas, privatæque preces Dicecesanis in- dicit. Dein ut Christiano instituto con- formis sit vita subditorum, multa salu- briter ac præclarè statuit; cum primis in duella, in divinos & ariolos, inque eos, qui in DEUM, qui in superos contumeliosi forent, & contra facinorosos hu- jusmodi legum rigorem innovavit. Nec

16.
Indicis
preces.

Et mul-
ta salu-
briter
ordinat.

1658.

*Impe-
trat à
Cæsare
manda-
tum con-
tra Mo-
nasteriē-
ses.*

420 CHRISTOPH. BERNARD.

Nec humana deesse inedia passus est, dum apud Imperatorem excitatâ Regiæ Capitulationis memoriâ per se, per suos urget, Monasteriensis Civitas ut à confugio ad exteros severè coërceatur. Exeunte igitur hoc anno supra quinquagesimum octavo perfertur ad Senatum, Populûmque Monasteriensem Cæsaris mandatum hujus argumenti

LEOPOLDVS Divinâ clementiâ Electus Romanorum Imperator semper Augustus. & c.

Dilecti & Fideles. Episcopi Monasteriensis Devotio, tam per litteras, quam per suos ad Conventum Deputationis Ablegatos humiliter supplicavit, ut Cæsareo Nostro mandato Vos serio commoneremus, ne in causa se inter & Vos controversâ, ad Ordines Belgii Confederatos vel quempiam alienum recurreretis, sed quod & Devotio sua facit, obedienter expectaretis Judicis decisionem. Id cum equitati & sacri Imperij legibus consentaneum sit, ditâmq; controversiam Cæsarea Nostra determinationi submittere se Devotio sua testetur. Eapropter clementissimè & serio Vobis imperamus, ut Vos & juris definitioni subjiciatis, & ab omni prorsus ad alios recursu contineatis. Hac est enixa Nostra Cæsarea volun-

tas,

tas, quam obedienter exequi vestrum
erit. Dabamus in Civitate Nostra Vien-
nensi die duodecimâ Decembris 1658.
LEOPOLDUS.

1658.

Ut. Ferdinandus Comes Curtius.
Ad mandatum S. Cæsareæ Majestatis
propriam.

1659.

17.

Reinhardus Schroderus. Tollit

Eam Cæsaris prohibitionem, cum contro-
obsequelam Monasterientes sponderent, *versiam*
multum quidem Princeps credebatur profu- *Eckia-*
turam intestinæ quieti; sed ut omnem *nam.*
quoque vicinis adimeret occasionem pu-
blici motûs, duo è medio tollere neces-
sum judicabat. Erat *Eckiana contribu-*
tio; & *prætextum ius in Beverger-*
nam. Hoc subindè excitabant Princi-
pis *Auriaci* Tutores. Illa originem tra-
xerat a quodam *Eckio*, qui dum olim
magnam pecuniæ vim ceu Creditor po-
stulârat à Principatu Monasterienti, solu-
tione pernegatâ benigniores expertus Gel-
ros, Transsalaranôsque, quæ ampla isto
tractu possidebat Clerus Monasterientis *Patria*
bona, legitimi juris prætextu adjudicata *din dame*
obtinerat. Crescente postea censu & *nosam.*
sumptu, multis millibus debitum hoc
Diœcesi stetit. Præcepti namque fructus
& prædia possessoribus refundi debuerunt,
imperatâ Diœcesanis exactione, quæ &
inde celebratissimo nomine dicta est
Eckia-